



প্রধানমন্ত্রীরদপ্তর

ট্যাটা মেমোরিয়াল সেন্টারের ‘প্ল্যাটিনাম জুবিলি মাইলস্টোন’ বই প্রকাশের পর প্রধানমন্ত্রী শ্রী নরেন্দ্র মোদীর ভাষণ

ট্যাটা মেমোরিয়াল সেন্টারের ৭৫ বছর পূর্ণ হওয়ায় ‘প্ল্যাটিনাম জুবিলি মাইলস্টোন’ বইটি প্রকাশ করে অত্যন্ত আনন্দিত

Posted On: 25 MAY 2017 2:09PM by PIB Kolkata

শ্রদ্ধেয় শ্রী রতন ট্যাটা মহোদয়,

ট্যাটা মেমোরিয়াল সেন্টারের ডাইরেক্টর ডঃ আর এ বড়ুওয়া,

ট্যাটা মেমোরিয়াল সেন্টারের সকল চিকিৎসক, শিক্ষার্থী এবং বন্ধুগণ,

ট্যাটা মেমোরিয়াল সেন্টারের প্ল্যাটিনাম জুবিলিতে আপনাদের সবাইকে আমার আন্তরিক শুভেচ্ছা।

ট্যাটা মেমোরিয়াল সেন্টারের ৭৫ বছর পূর্ণ হওয়ায় ‘প্ল্যাটিনাম জুবিলি মাইলস্টোন’ বইটি প্রকাশ করে আমি অত্যন্ত আনন্দিত। ট্যাটা মেমোরিয়াল সেন্টারকে এই জায়গায় পৌঁছে দিতে ট্যাটা পরিবারের নিরন্তর সেবার মনোভাব আর সামাজিক দায়িত্ব পালনে গুরুত্বপূর্ণ ভূমিকা রয়েছে।

আজ এই প্রতিষ্ঠানের ৭৫তম জয়ন্তীতে এর সঙ্গে যুক্ত সকলকে মনে করার সময় হয়েছে।

এই বইয়ের পাতা উন্টে আমি ১৯৩১ সালের একটি ঘটনা সম্পর্কে জানতে পারি, সেই সময় মেহর বাঈ ট্যাটা ক্যান্সারের চিকিৎসার জন্য আমেরিকা যাওয়ার সময় নিজের স্বামী দোরাবজি ট্যাটা’কে বলেছিলেন, ‘আমি সৌভাগ্যবতী যে, এই মারণ রোগের চিকিৎসার জন্য আমেরিকা পাঠানোর সামর্থ্য আমার পরিবারের রয়েছে, কিন্তু এদেশের লক্ষ লক্ষ মানুষের চিকিৎসা কী করে হবে, যাদের এত অর্থ নেই’।

শ্রদ্ধেয় মেহর বাঈ-এর মৃত্যুর পর দোরাবজি ট্যাটা একথা মনে রেখেছেন, আর সেই প্রবণতা থেকেই তিনি এই ট্যাটা মেমোরিয়াল সেন্টার গড়ে তোলার কথা ভেবেছেন।

আজ ৭৫ বছর পর এই প্রতিষ্ঠান ক্যান্সারের চিকিৎসা, ক্যান্সারের চিকিৎসা সংক্রান্ত পঠন-পাঠনের ব্যবস্থা এবং ক্যান্সার নিয়ে উন্নত গবেষণার একটি প্রধান কেন্দ্র হয়ে উঠেছে। আমাদের দেশে এরকম অনেক কম প্রতিষ্ঠান রয়েছে, যারা এত বছর ধরে দেশের সেবা নিয়োজিত।

লক্ষ লক্ষ গরিব মানুষের চিকিৎসার জন্য এই প্রতিষ্ঠান যেভাবে এগিয়ে এসে কাজ করেছে, তা দেশের বাকি হাসপাতালগুলির জন্য প্রেরণার উৎস হয়ে উঠেছে। এই প্রতিষ্ঠান সরকারি এবং বেসরকারি সংগঠনগুলি মিলেমিশে কিভাবে দরিদ্র জনসাধারণকে আধুনিকতম মনুষ্য পরিষেবা প্রদান করতে পারে, তার প্রকৃষ্ট উদাহরণ।

ক্যান্সারের মতো জটিল রোগ যে কোনও পরিবারের জন্য অগ্নি পরীক্ষার সম্মুখীন হওয়ার মতো পরিস্থিতি গড়ে তোলে। শারীরিক কষ্ট, মানসিক কষ্ট আর অর্থ সংকুলান – এই সমস্ত বিষয়ই পরিবারটিকে সংকটের দিকে ঠেলে দেয়।

কোনও দরিদ্র মানুষ যদি অসুস্থ হন, তা হলে তাঁর সামনে ওষুধের থেকেও আগেখাদ্য আর কর্মসংস্থানের সঙ্কট প্রকট হয় ওঠে। সেজন্য যখন ট্যাটা মেমোরিয়াল সেন্টারের মতো প্রতিষ্ঠান, সেখানে কর্মরত চিকিৎসক ও চিকিৎসা কর্মীরা যখন দরিদ্র মানুষের চিকিৎসার জন্য দিন-রাত এক করে তাঁদের চিকিৎসা করেন, তাঁদের শারীরিক জ্বালা-যন্ত্রণা উপশমের চেষ্টা করেন, তা হয় ওঠে সত্যিকারের মানবসেবা।

আমি শ্রদ্ধেয় রতন ট্যাটা, ট্যাটা মেমোরিয়াল সেন্টার এবং তার সঙ্গে যুক্ত চিকিৎসক, চিকিৎসাকর্মী এবং প্রশাসনে কর্মরত সকলকে আরেকবার ট্যাটা মেমোরিয়াল সেন্টারের ৭৫ বছর পূর্তি উপলক্ষে অনেক অনেক শুভেচ্ছা জানাই।

বন্ধুগণ, ক্যান্সার মানবতার বড় সংকটগুলির মধ্যে অন্যতম। শুধু আমাদের দেশেই প্রতি বছর ১০ লক্ষেরও বেশি মানুষ ক্যান্সারে আক্রান্ত হয়েছেন বলে চিহ্নিত হন। প্রতি বছর ৬ লক্ষেরও বেশি মানুষ ক্যান্সারে মারা যান। ইন্টারন্যাশনাল এজেন্সি ফর রিসার্চ অন ক্যান্সার-এর অনুমান অনুসারে আগামী ২০ বছরে এই হার দ্বিগুণ হয়ে যাবে।

এই পরিস্থিতিতে প্রত্যেক আক্রান্ত ব্যক্তিকে চিকিৎসা পরিষেবা দিতে সকল ক্যান্সার হাসপাতালগুলিকে একটি প্ল্যাটফর্মে নিয়ে আসার প্রয়োজন রয়েছে। একটি এমন প্ল্যাটফর্ম, যেখানে ক্যান্সার আক্রান্তদের চিকিৎসা সুলভে করার সাহায্য পাওয়া যাবে। পাশাপাশি, চিকিৎসার সময়ে আধুনিকতম প্রযুক্তিরও সাহায্য পাওয়া যাবে।

২০১৪ সালে যখন আমরা সরকারে এসেছি, তখন ৩৬টি ক্যান্সার চিকিৎসা কেন্দ্র জাতীয় ক্যান্সার গ্রিডের সঙ্গে যুক্ত ছিল। আমরা চেষ্টা চালিয়ে ইতি মধ্যেই তার দ্বিগুণেরও বেশি ১০৮টি ক্যান্সার চিকিৎসা কেন্দ্রকে এই গ্রিডের সঙ্গে যুক্ত করতে পেরেছি।

সম্প্রতি, ডিজিটাল ক্যান্সার নার্ড সেন্টার-ও কাজ শুরু করে দিয়েছে। এভাবেই ভার্টুয়াল টিউমার বোর্ডের সাহায্যে ক্যান্সারের নানা ধরনের ক্যান্সার সম্পর্কে বিশেষজ্ঞদের এক সঙ্গে ইন্টারনেটের মাধ্যমে যুক্ত করে রোগীদের চিকিৎসার রূপরেখা ঠিক করার ক্ষেত্রে সাহায্য করা সম্ভব হচ্ছে।

ক্যান্সারের চিকিৎসায় ট্যাটা মেমোরিয়াল সেন্টারের অভিজ্ঞতা এখানে কর্মরত বিশেষজ্ঞদের দক্ষতাকে ব্যবহার করে, তাঁদের সাহায্যে দেশে ক্যান্সার উপশমে আরও নতুন নতুন দিগন্ত উন্মোচিত হোক।

(Release ID: 1490896) Visitor Counter : 4

Background release reference

মারণ রোগের চিকিৎসার জন্য আমেরিকা পাঠানোর সামর্থ্য আমার পরিবারের রয়েছে, কিন্তু এদেশের লক্ষ লক্ষ মানুষের চিকিৎসা কী করে হবে, যাদের এত অর্থ নেই

